

فيديو | "ارحمونا من طريق الموت".. والدة معتقل سياسي تشكو من عذاب زيارات سجن الوادي الجديد



الاثنين 22 ديسمبر 2025 01:40 م

قالت الشبكة المصرية لحقوق الإنسان إنها حصلت على رسالة لأم معتقل سياسي بسجن الوادي الجديد، تصف فيها معاناتها في تحقّل مشقة السفر لمسافات طويلة من أجل زيارة ابنها الشاب، متمنيةً أن يتم ترحيله إلى سجن قريب من محل إقامتهم بدلاً من السجن، الذي يبعد مئات الكيلومترات، وتستغرق الرحلة إليه مشقة وأموالاً وطاقته لا طاقة لها بها

ونشرت الشبكة المصرية فيديو قصير لطريق الموت وهو الطريق الوحيد المؤدي الى سجن الوادي والذي يضطر الأهالي إلى قطع مسافة قد تصل إلى 4 ساعات من الرعب والخوف في واحد من أسوأ الطرق حيث تتكرر فيه حوادث الطرق والوفيات، ومات فيه منذ أشهر مدير الأمن الجديد بالوادي الجديد

المعاناة تبدأ قبل شهر من الزيارة

وتقول الأم، التي تعبّر عفا يعانيه المئات من أهالي المعتقلين بسجن الوادي الجديد: "تبدأ المعاناة قبل الزيارة بشهر! لتحديد موعد الزيارة مع سيارة وتجميع العدد، رغم أن الزيارة كل شهرين لبعد المسافة وكثرة التكاليف، إلّا أنه يتم تأجيل الزيارة مرتين أو ثلاثاً حتى يكتمل العدد".

وأضافت: "بعد تحديد الزيارة نبدأ في تحضيرها قبلها بأسبوعٍ نبدأ نجيب حاجة حاجة ونطبخ ونجّد بقدر الإمكان، على أمل إن كل حاجة تدخل على خير في الآخر، ويكون نفسنا نجيب مليون حاجة، رغم قلة التكاليف، بس هي أصلاً مش بتدخل".

وتابعت: "ومع مصاريف البيت وتكاليف الحياة، إلّا إننا بنمنع نفسنا عشان على الأقل يروح أكل كويس يقعد معاه أطول فترة ممكنة، وده برضه مش بيحصل".

وأوضحت: "بعد ما نحدّد الزيارة، قبلها بيومين بنفضل نأكد على العربية وإننا حاجزين مكان، وللأسف عشان مفيش عربيات بتطلع من المحافظة عندنا، بنضطر نروح مع عربية (نتحفظ على الاسم). إقّا نطلع على الصحراوي نستناهم في طريق مقطوع، أو نروح لمدينة (....) نفسها قبل الميعاد بساعة أو ساعتين".

وواصلت: "بنركب مواصلات ونطلع بالزيارة من محافظتي إلى للفيوم، ونركب مع العربية من هناك وعشان نكون هناك 6 الصبح، بتتحرك من الساعة 9 بعد العشاء عشان يدوب نلحق، وساعات نتحرك قبلها كمان".

معاناة وخوف أثناء السفر

وشرحت المعاناة والخوف الذي يسيطر عليهم طوال الرحلة، قائلة: "وطول الطريق إيدنا على قلوبنا، سواء عشان الطريق، أو شايلين همّ الزيارة وإيه هيدخل وإيه هيرجع، أو شايلين همّ البيت اللي سايبينه ورانا والمسؤوليات طريق موحش طويل صحراء مفيش فيها عمود نور واحد!".

وأضافت: "ولما نوصل، نسجّل أسماءنا ونفضل ننتظر بالساعات، وبرضه مفيش حد بيرحمٍ ننتظر زيارات الجنائي لما تخلص، وإنّ نصيبك: يا تخلص بدري وندخل على 11، أو تطوّل وندخل 2 أو 3، الوقت بياكل فينا حرفياً، وإحنا معظمنا أمهات مرضى، تعبنا وكبرنا في السن ومبقيناش نتحمل البهدة دي كلها".

ومضت في وصف المعاناة التي تتكبدها الأسر خلال الزيارات: "وحتى الزوجات اللاتي معاهن أطفال بيتهدلون بيهن آخر بهدلة" وبعد ما ندخل ونتعامل مع أسوأ بشر ممكن حد يتعامل معاهن، مفيش تفاهم" الأكل يتهدل، معندوش مشكلة يحط الفراخ مكان السمك مثلاً، كله على بعضه، والأكياس تتقطع، وحتى العسل اللتي مفروض شايفه قدامه يفتح ويشرّب منه عشان مش ضامن فيه إيه، ويرجع زي ما يرجع، محدش بيراجع وراه".

45 دقيقة مدة الزيارة

واستطردت والدة المعتقل في سرد التفاصيل: "مش بنلق نبكي على إيه ولا إيه، ومش بيرحموا كبر سنّا ولا بهدلتنا في شيل الزيارات ولا السفر" يدوب نقعد معاهن، كتر خيرهن سمحوا بساعة إلا ربع حالياً بعد الإضراب" قبل كده كانت 20 دقيقة، ولو أكرمونا 30 دقيقة" مش بلحق أطمّن على ابني ولا أعرف ماله، خاسس ليه، ولا إيه تعب، ولا محتاج علاج إيه، عشان مفيش كشف ولا مستشفى".

وأردفت: "كفاية إنه يقول: يا أمي، إحنا هنا في منفى" بطلع من عنده مكسورة خاطر، والبال مشغول" ونرجع نكابد مشقة السفر تاني في رجوعنا، وهم على أمل يطمّنونا إننا وصلنا بخير" بس فين؟ مفيش أمل يطمّنوا إلا الزيارة اللتي بعدها" بقالنا سنين على الحال ده" فهل ممكن حد يرحمنا من عذاب الوادي الجديد؟".

جدير بالذكر أن العشرات من المعتقلين قد دخلوا في إضراب عن الطعام لمدة ثلاثة أسابيع، من أجل مطلب واحد فقط، وهو ترحيلهم إلى سجون قريبة من محل إقامتهم راحةً بذويهم، وكانوا قد أنهوا الإضراب بعد وعد من إدارة السجن بتلبية هذا المطلب العادل

وأكدت الشبكة المصرية أنها تتضامن مع والدة المعتقل، معتبرة أن سياسة العقاب الجماعي، التي تشمل أسر المعتقلين من أمهات وزوجات وأطفال، تتنافى مع المعايير الإنسانية والحقوقية

كما تؤكد على حق المعتقل في زيارة دورية للاطمئنان على أوضاع أسرته، فلا يجوز معاقبته ومعاقبة أسرته، فالعقوبة شخصية له فقط، ولا يجوز التعنت مع أسر المعتقلين

